



(Selo da Corporación)

(Sinatura do Presidente)

Folio N.º

Serie A N.º 1179721

O concelleiro Varela Couñago di que lle parece razoable a proposta da voceira do BNG

VOTACIÓN E ACORDO

Sometida a votación, o Concello Pleno, en votación ordinaria aproba a moción sendo once votos a favor (8 do PsdeG-PSOE, 2 do B.N.G. e 1 de A.E.R.) e dez votos en contra (10 do PP), de modo que se acorda que cando queden asuntos sen tratar no mesmo pleno ordinario decidírase entre os voceiros os asuntos a tratar e a data da seguinte sesión a fin de rematar os temas pendentes.

Dado o avanzado da hora, e ao abeiro do artigo 87 do Real Decreto 2568/1986 de 28 de novembro polo que se aprobou o Regulamento de Organización, Funcionamento e Réxime Xurídico das Corporacións Locais, a Presidencia sinala que quedan pendentes para a vindeira sesión a moción, as comparecencias e rogos e preguntas que non foran tratados, levantando a sesión, sendo as doce horas e cinco minutos da data indicada no encabezamento, de todo o que, se estende a presente acta, da que, como Secretaria, dou fe.-

Nº 3 /2013

SESIÓN EXTRAORDINARIA CELEBRADA POLO PLENO DO CONCELLO O DÍA 4 DE FEBREIRO DE 2013

ORDE DO DIA

PUNTO ÚNICO: ACORDO EN RELACIÓN COA AMPLIACIÓN DA AP-9 EN CHAPELA

No Multiusos de Chapela, sendo as vinte horas do día catro de febreiro de dous mil trece, baixo a Presidencia do alcalde Javier Bas Corugeira e a asistencia dos/as concelleiros/as: Miguel Angel Alvarez Ballesteros, José Alberto Pazos Couñago, Maria Teresa París Blanco, Ana Maria Alonso Alonso, Jesus Crespo López, Maria José Barciela Barros, Herminda Quelle Fernández, Arturo González Barbeiro, Cándido Vilaboa Figueroa, Eduardo José Reguera Ocampo, Luís Alberto Orge Míguez, Digna Rosa Rivas Gómez, Antonio Cabaleiro Millares, Leticia Gómez Guisande, Leonardo Cabaleiro Couñago, Antonio Vázquez Saco, José García Míguez, Cecilia Pérez Orge, Xoan Carlos González Campo e Jorge Varela Couñago, tamén asistiu a. interventora acctal. do Concello María E. García Maneiro, actuando como secretaria a secretaria xeral da corporación Ana Begoña Merino Gil, constitúese o Pleno do Concello, en sesión ordinaria, conforme á convocatoria e de acordo coa Orde do Día.

INCIDENCIAS.-

Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a tratar o punto da Orde do Día.-

PUNTO ÚNICO: ACORDO EN RELACIÓN COA AMPLIACIÓN DA AP-9 EN CHAPELA

ANTECEDENTES

PROPOSTA DA ALCALDÍA

O conxunto de colectivos e asociacións veciñais e sociais de Chapela, Rande e Cabanas, así como a totalidade dos partidos e asociacións políticas do concello de Redondela, veñen amosando o seu radical rexeitamento ao proxecto de ampliación da AP-9 ao seu paso por Chapela, dende que se tivo coñecemento da intención do Ministerio de Fomento de deseño e executalo.

Este sentimento de rexeitamento ao proxecto de ampliación da AP-9, tense materializado de distintos xeitos. En diversas ocasións foi o Pleno do Concello de Redondela o que trasladou acordos, tomados sempre por unanimidade, nos que se solicitaba ou esixía ao Ministerio de Fomento a paralización dun proxecto que a cidadanía de Chapela percibe como unha agresión

contra o seu territorio.

Recentemente, o Consello Parroquial de Chapela, órgano que representa o sentir das asociacións e da veciñanza de Chapela, acordaba, por unanimidade, rexeitar o proxecto de ampliación da AP-9, como queda acreditado no texto adxunto.

En diversas ocasións foi a propia veciñanza chapela a que se botou ás rúas para manifestar, coa a súa esmagadora asistencia a estes chamamentos, a súa rotunda oposición á execución do Proxecto de Ampliación da AP-9.

Aínda así, a voz de Chapela non foi escoitada ata o de agora, e a execución deste proxecto parece avanzar inexorablemente, sen que se teñan en consideración as lexítimas e xustas reivindicacións do conxunto da cidadanía de Chapela. Unha vez máis parece que o Concello de Redondela en xeral, e Chapela en particular, debe asumir un novo agravio que se sumará aos moitos que leva sufrido ao longo da súa historia. Mais xa son demasiados.

Hoxe, o máximo órgano de representación do Concello de Redondela, reunido en sesión celebrada en Chapela, quere manifestar, diante da súa veciñanza e co seu apoio, que non estamos dispostos a soportar este novo agravio dende o silencio e a resignación.

Por todo o anteriormente exposto,

PROPOÑO

Que o Pleno do Concello de Redondela adopte os seguintes acordos:

1. Esixir ao Ministerio de Fomento a inmediata paralización do actual proxecto de ampliación da AP-9, establecendo os mecanismos de negociación necesarios para alcanzar un acordo que impida a construción do terceiro carril, o que suporía un novo atentado contra Chapela.
2. Instar á concesionaria para que tome de inmediato as medidas correctoras que garantan á veciñanza de Chapela, Rande e Cabanas, os niveis de salubridade establecidos na normativa legal vixente, tal como recoñece a propia concesionaria no estudo interno realizado no ano 2007, e feito público a través da súa propia web.
3. Convocar unha manifestación para rexeitar a ampliación da AP-9 o vindeiro 2 de marzo, convidando a asociacións, colectivos e á cidadanía en xeral a participar masivamente.
4. Facultar a esta Alcaldía para o exercicio das accións que no seu caso sexan pertinentes e fagan efectivos os acordos anteriores.

INTERVENCIÓNS

O concelleiro Varela Couñago di que se felicita por estar todos de acordo incluíndo as forzas políticas non representadas no Concello. Espera que non sexa un paripé e considera que se hai que saír a rúa haberá que facelo e xuntar as máximas forzas posibles, se fai falla parando as escavadoras cando cheguen.

A concelleira Pérez Orge di que o BNG vai a apoiar a moción dado que xa se manifestou en repetidas ocasións en contra desta ampliación. Di que non fixeron nin demagogia nin electoralismo e pensa que o PP si o fixo. Pensa que sería doado que o PP a nivel galego tamén se posición en contra desta ampliación. Considera que Chapela non pode permitir unha nova infraestrutura que a destróe. Refírese a Ana Pastor, a ministra que agora defende a ampliación e antes das eleccións dixo que tiña que haber outra alternativa. Estima que o PP creou falsas expectativas, defendendo intereses que non explican e que o proxecto pódese paralizar se hai presión social aínda que ao mellor hai que pórse diante das máquinas, posto que non se pode xogar coa boa fe das persoas e, particularmente, dos veciños e veciñas de Chapela.

O concelleiro Reguera Ocampo di que poucos puntos poñen a todos nunha mesma posición e sinala que a corporación sempre tivo unanimidade xunto con todos os veciños e asociacións e colectivos de Chapela en contra da ampliación. Di que a postura do PSOE en Redondela sempre foi clara aínda que tamén foi desgraciadamente clara a posición dos membros do seu partido en Madrid, unha vez que a alguén se lle ocorreu ampliar a Ponte de Rande, afectando gravemente



(Selo da Corporación)

(Sinatura do Presidente)

Folio N.º

Serie A N.º 1179722

PEL NUMERADO
CORPORACIÓN
LOCAIS

á parroquia de Chapela, aos rapaces dun colexio público que está pegado á autopista e mesmo ao Centro de Saúde. Indica que cecais por iso os socialistas de Redondela resultaron prexudicados pola actitude dos seus compañeiros a nivel estatal e afirma que sempre votaron en contra no Concello de Redondela e trasladaron o seu sentir a Madrid. Estiman que é un erro, especialmente porque agora houbo un descenso considerable do tráfico. Sinala que a alternativa é potenciar o transporte metropolitano e esa competencia a ten a Xunta e non vale que lle voten a culpa ao Alcalde de Vigo. Di que unha desas alternativas é o ferrocarril e que ao final da lexislatura os socialistas licitaron o concurso para o apeadoiro de Chapela e non saben que foi diso aínda que pensan que é necesario para reforza-las conexións con Vigo.

O concelleiro Álvarez Ballesteros di que el é veciño de Chapela e considera que hoxe vai a haber un antes e un despois que cecais contribuirá a que Chapela estea máis cerca de Redondela. Considera desexable ir todos da man neste tema sen sacar réditos políticos posto que este é un problema de todo o Concello e de todos os veciños. Di que deben facer unha piña en torno a isto, con enerxía e forza pero con sentidoño. Sinala que faise un pleno por primeira vez na historia porque este é un tema moi grave.

O concelleiro Varela Couñago di que ao mellor é convínente pasar á acción para facer presión.

A concelleira Pérez Orge di que neste punto o BNG actuou sempre na mesma liña de facer fronte a esta aberración pero cando o voceiro do PP pide que non se faga política, tamén debe ter en conta outras cousas dado que o PP goberna en Madrid e vai a aprobar o proxecto. Di que isto se soluciona se hai vontade política de facelo e considera que a cidadanía debe porse firmemente en pé en contra da ampliación e o BNG vai estar aí.

O concelleiro Reguera Ocampo di que anima aos veciños de Chapela a asistir á manifestación do 2 de marzo para que quede claro que Chapela e Redondela están en contra da ampliación.

O concelleiro Álvarez Ballesteros di que todos están de acordo e que o PP de Redondela defendeu sempre a non ampliación da AP 9. Invita tamén a todo o Concello a unha mobilización histórica

VOTACIÓN E ACORDO

Sometido o asunto a votación, o Concello Pleno, en votación ordinaria e por unanimidade dos/as concelleiros/as asistentes, sendo vinte e un votos a favor (10 do PP, 8 do PSdeG-PSOE, 2 do B.N.G. e 1 de A.E.R.), aprobou a moción nos antecedentes transcrita".-

E, non habendo máis asuntos que tratar, a Presidencia remata a presente sesión, sendo as vinte horas e corenta e cinco minutos da data fixada no encabezamento, en proba de todo o que, se redacta a presente acta, da que, como Secretaria do presente acto, dou fe.-

Nº 4 / 2013

SESIÓN ORDINARIA CELEBRADA POLO PLENO DO CONCELLO O DÍA 28 DE FEBREIRO DE 2013

ORDE DO DÍA

1. APROBACIÓN, SE PROCEDE, DAS ACTAS DAS TRES ÚLTIMAS SESIÓNS
2. DAR CONTA DE EXPEDIENTES DE MODIFICACIÓN DE CRÉDITO
3. RECOÑECIMENTO EXTRAJUDICIAL DE GASTOS
4. RENUNCIA DE CLAUDIA SANGUINETTI RASCHIK Á CONCESIÓN DUN QUIOSCO SITO NA XUNQUEIRA
5. ACTIVIDADES DE CONTROL DO PLENO:
 - 5.1. DAR CONTA DAS RESOLUCIÓNS DA ALCALDÍA